




REPUBLIKA E SHQIPËRISË

KOMITETI SHTETËROR PËR KULTET

№. 6 Prot.

06-01-2023

PLAN I PUNËS

M. K. K.

2023

*Objektivat kryesore dhe pritshmëritë;
drejtimet dhe mënyrat e realizimit.*

PËRMBAJTJA

1) HYRJE.

2) OBJEKTIVAT PËR VITIN 2023.

3) DREJTIMET KRYESORE DHE MËNYRAT E REALIZIMIT.

4) PROJEKTET E KSHK.

5) PARASHIKIMI BUXHETOR ME ZËRAT PËRKATËS.

1) HYRJE

Bazuar në detyrat institucionale të parashikuara në VKM-në nr. 459, datë 23.09.1999, në përvojën shumëvjeçare të tij, në Planin Buxhetor Afatmesëm 2023-2025 (VKM nr. 536, datë 29.7.2022 “Për miratimin e projektdokumentit të Programit Buxhetor Afatmesëm 2023-2025), në strukturën organizative dhe burimet financiare të Komitetit Shtetëror për Kultet, në strategjitë ndërsektoriale, në pritshmëritë që qeveria dhe situata kombëtare dhe ndërkombëtare parashitrojnë lidhur me çështjet fetare, hartohet Plani Vjetor i Punës për vitin 2023.

Dinamikat, brenda dhe jashtë Komitetit Shtetëror për Kultet, faktorët e ndryshëm që ndikojnë në trajtimin e çështjeve me ndjeshmëri dhe pjekuri, rezultatet e arritura gjatë vitit të kaluar dhe rekomandimet e evidentuara nga analiza vjetore e aktivitetit institucional për 2022, diktojnë përpilimin e planit të mëposhtëm.

2) OBJEKTIVAT PËR VITIN 2023

Komiteti Shtetëror për Kultet zbaton politikën shtetërore në fushën e marrëdhënieve ndërmjet Shtetit dhe bashkësive fetare në Republikën e Shqipërisë, përfshirë edhe shoqatat, organizatat, fondacionet me karakter humanitaro-fetar, duke krijuar kushtet ligjore e financiare për të përmirësuar cilësisht këto marrëdhënie. Ky institucion, duke iu përmbajtur legjislacionit në fuqi, mbështet financiarisht bashkësitë fetare, të cilat kanë nënshkruar marrëveshje me shtetin për përmirësimin e infrastrukturës së tyre administrative, arsimore, shpirtërore e kulturore, si faktorë bazë që ndihmojnë në rritjen e pavarësisë së tyre ekonomike, ruajtjen e traditës, harmonisë dhe tolerancës fetare në vend.

Nëpërmjet bashkëpunimit me institucionet shtetërore, bazuar në aktet ligjore dhe nënligjore në fuqi për fenë, Komiteti Shtetëror për Kultet mbështet direkt bashkësitë fetare në veprimtari të mirëfillta fetare, në zgjidhjen e çështjes së pronave të tyre, në çështje të arsimit fetar, në promovimin e vlerave kulturore fetare në vend e në diasporë, duke ruajtur laicitetin dhe asnjësinë e shtetit në raport me bashkësitë dhe shoqatat fetare, si dhe barazinë e tyre para ligjit. Për këtë qëllim, garantimi i një mjedisi ku çdo bashkësi fetare të shprehë dhe praktikojë lirisht besimin e vet, si dhe trajtimi dhe kthimi i aseteve të mundshme bashkësive fetare, në përputhje me legjislacionin në fuqi, është një prioritet i Komitetit Shtetëror për Kultet. Njëkohësisht, duke konsideruar BF dhe shoqatat fetare si pjesë aktive e shoqërisë dhe partnere të shtetit në zgjidhjen e plagëve të ndryshme sociale, gjatë vitit 2023 do të intensifikohet ndikimi i KSHK-së në forcimin e marrëdhënieve bashkëpunuese mes tyre dhe pushtetit qendror e vendor.

3) DREJTIMET KRYESORE DHE MËNYRAT E REALIZIMIT

Si për çdo institucion të administratës shtetërore, funksionimi i Komitetit Shtetëror për Kultet bëhet në bazë të direktivave dhe strategjive qeveritare. Duke patur parasysh natyrën e veçantë të punës që lidhet me anën shpirtërore të besimtarëve dhe sfidat me të cilat përballet shoqëria e sotme shqiptare dhe jo vetëm, paraqiten më poshtë drejtimit ku duhet të fokusohet vëmendja e institucionit.

• MBI DISA NDRYSHIME DHE PËRMIRËSIME LIGJORE

- ❖ Garantimi i zbatimit ligjor të Marrëveshjeve të nënshkruara mes Këshillit të Ministrave dhe Bashkësive Fetare, shoqëruar me amendimet e mundshme ligjore.

Gjatë vitit 2023 do të vijojë puna në zbatimin e Marrëveshjeve, si dhe në rishikimin e tyre me draft-propozimet ligjore përkatëse. Këto marrëveshje janë të pasqyruara në Ligjin Nr. 8902, datë 23.05.2002 “Për ratifikimin e marrëveshjes ndërmjet Republikës së Shqipërisë dhe Selisë së Shenjtë për rregullimin e marrëdhënieve të ndërsjella”, Ligjin Nr. 10056, datë 22.01.2009 “Për ratifikimin e marrëveshjes ndërmjet Këshillit të Ministrave të Republikës së Shqipërisë dhe Komunitetit Mysliman të Shqipërisë për rregullimin e marrëdhënieve të ndërsjella”, Ligjin Nr. 10057, datë 22.01.2009 “Për ratifikimin e marrëveshjes ndërmjet Këshillit të Ministrave të Republikës së Shqipërisë dhe Kishës Ortodokse Autoqefale të Shqipërisë për rregullimin e marrëdhënieve të ndërsjella”, Ligjin Nr. 10058, datë 22.01.2009 “Për ratifikimin e marrëveshjes ndërmjet Këshillit të Ministrave të Republikës së Shqipërisë dhe Kryegjyshit Botërore Bektashiane për rregullimin e marrëdhënieve të ndërsjella” dhe Ligjin nr. 10394, datë 10.03.2011 “Për ratifikimin e marrëveshjes ndërmjet Këshillit të Ministrave të Republikës së Shqipërisë dhe bashkësisë fetare “Vëllazëria Ungjillore e Shqipërisë” për rregullimin e marrëdhënieve të ndërsjella”.

Shteti shqiptar është garantues i së drejtës së lirisë së besimit fetar dhe për këtë qëllim krijon kushtet për përmbushjen e kësaj të drejte. Zbatimi i ligjit nr. 10140, datë 15.05.2009 “Për financimin nga buxheti i shtetit të bashkësive fetare që kanë nënshkruar marrëveshje me Këshillin e Ministrave”, bëhet nëpërmjet përgatitjes së aktit nënligjor për këtë qëllim.

- ❖ Gjatë vitit 2023 do të vijojnë iniciativat e KSHK-së për t’i ardhur në ndihmë zgjidhjes së procesit të kthimit të pronave bashkësive fetare, në bashkëpunim të plotë me institucionet përkatëse.

• FORCIMI I MARRËDHËNIEVE ME BASHKËSITË FETARE DHE ZGJIDHJA E PROBLEMATIKAVE TË TYRE

❖ Ky objektivi që përbën një nga shtyllat për përmbushjen e rolit institucional, duhet të realizohet nëpërmjet kontaktit të vazhdueshëm me BF, intensifikimit të përpjekjeve për njohjen nga afër të problematikave të tyre, shtimit të iniciativës në zgjidhjen e shpejtë të sa më sipër. Për këtë qëllim, do të parashikohen të paktën dy takime mujore me secilën bashkësi fetare, pra, takime me krerët lokalë fetarë, me pushtetin vendor dhe vizita nëpër shkollat e bashkësive fetare (rreth 150 të tilla). Mbështetja e KSHK-së për nismat që promovojnë dialogun dhe bashkëjetesën ndërfaqetare do të jetë e gjithanshme. Nuk do të lihen mënjanë aktivitetet e organizuara nga bashkësitë, ku do të sigurohet pjesëmarrja dhe kontributi i përfaqësuesve të KSHK-së. Sigurisht, planet e punës mujore, të hartuara e miratuara paraprakisht, do të jenë udhëzues veprimi.

- ❖ Gjatë vitit 2023, duhet fokusuar puna në dhënien jetë të projekteve të përbashkëta për trajtimin e çështjeve me rëndësi për shoqërinë shqiptare, ku mund të përmendim:
 - Projekte për nxitjen e bashkëpunimit mes shtetit dhe bashkësive/shoqatave në nivel qendror/vendor, për përmirësimin e realiteteve lokale dhe jetës komunitare.
 - Projekte me karakter promovues të shembullit tradicional të bashkëjetesës fetare në Shqipëri dhe jashtë saj.
 - Projekte me karakter nxitjen dhe forcimin e dialogut mes shtetit dhe feve, drejtuar jo vetëm bashkësive fetare, por edhe shoqatave të ndryshme me karakter humanitaro-fetar që operojnë në vend, në nivel qendror dhe lokal.

**• THELLIMI I BASHKËPUNIMIT ME INSTITUCIONET SHTETËRORE
QË LIDHEN ME ÇËSHTJET FETARE**

- ❖ Gjatë vitit 2023, pozicioni i KSHK-së, në raport me institucionet shtetërore që trajtojnë çështje të lidhura më bashkësitë apo shoqatat fetare, duhet ngritur në një nivel akoma më cilësor dhe të rëndësishëm. Për këtë qëllim duhen intensifikuar takimet, informacionet e dhëna e të marra, propozimet për projekte të përbashkëta, të forcohet vijueshmëria dhe mbikëqyrja e zgjidhjes së problematikave shqetësuese, etj.
- ❖ Në këtë kuadër, është menduar që të shihen në terren objektet e kultit monument kulture, nisur dhe në zbatim të një prej detyrave themelore të KSHK-së, që është interesimi për ruajtjen e vlerave të këtyre objekteve. Në përfundim, do të njoftohen institucionet përkatëse.
- ❖ Raportet me MASR, MPEJ, ASHK, QKEDH, dhe me Pushtetin Vendor, etj. duhen thelluar më tej, në shërbim dhe funksion të rolit ligjor institucional, si dhe duhet instistuar në zgjidhjen përfundimtare të çështjeve.

**• NGRITJA DHE PROMOVIMI I POZICIONIT TË KSHK
NË SHKALLË RAJONALE DHE BOTËRORE**

Viti 2023 do të vijojë me organizimin dhe pjesëmarrjen në aktivitete e udhëtime jashtë vendit. Për këtë qëllim, ky objektiv do të arrihet nëpërmjet:

- ❖ Promovimit institucional të KSHK-së, në takimet e shpeshta që duhet të zhvillohen me përfaqësuesit diplomatikë të vendeve të huaja në Republikën e Shqipërisë.
- ❖ Pjesëmarrjes aktive në uorkshope, konferenca, simpoziume etj, në shkallë rajonale dhe ndërkombëtare, ku të paraqiten saktë dhe qartë, roli, puna dhe arritjet e institucionit.
- ❖ Përgatitjes së raportimeve ndërkombëtare lidhur me çështjen e lirisë së besimit dhe fesë në Shqipëri.
- ❖ Shkëmbimeve të vazhdueshme me diasporën shqiptare nëpër botë, jo vetëm në formë korrespondence, por edhe nëpërmjet takimeve direkte.

❖ Fuqizimit të shkëmbimeve të eksperiencës me homologët e KSHK-së në botë, sidomos në vende me ngjashmëri të kuadrit të larmishëm fetar dhe me përvojë të konsoliduar në çështjet e fesë.

4) PROJEKTET E KSHK

Duke patur parasysh panoramën fetare në vend dhe duke i konsideruar BF dhe Shoqatat me karakter fetar si partnerë në zgjidhjen e plagëve sociale, KSHK parashikon për vitin 2023:

- ❖ Përgatitjen e një doracaku me informacione ndihmuese mbi bazën ligjore që rregullon marrëdhëniet shtet-fe në Republikën e Shqipërisë, mbi funksionimin e KSHK-së dhe panoramën fetare në vend. Ky doracak vjen pas studimit trevjeçar mbi nivelin e marrëdhënieve mes pushtetit vendor dhe komuniteteve lokale fetare, i cili do t'u shpërndahet pjesëmarrësve në këtë projekt, pushtetit vendor dhe bashkësive fetare lokale.
- ❖ Vijimin e netuorkut rajonal të bashkëpunimit mes homologëve, për shkëmbim eksperiencash, promovim vlerash të bashkëjetesës fetare, rritje të sigurisë rajonale.
- ❖ Lançimin e një projekti afatgjatë disavjeçar, në bashkëpunim me MEPJ dhe bashkësitë fetare, për promovimin e shembullit unik të bashkëjetesës fetare shqiptare, në trevat shqipfolëse të rajonit.

5) PARASHIKIMI BUXHETOR ME ZËRAT PËRKATËS

Bazuar në ligjin nr. 84/2022 “Për Buxhetin e vitit 2023”, i ndryshuar, dhe në mbështetje të objektivave të parashtruara, të rezultateve të arritura dhe realizimeve buxhetore gjatë vitit 2022, shuma që i është akorduar KSHK-së është 139.170.000 lekë, e ndarë në zërat specifike ekonomike (sipas tabelave të mëposhtme). Për përdorimin me efikasitet e përgjegjshmëri të këtij fondi, do të vazhdojë të veprojë Grupi i Menaxhimit Strategjik, që do të monitorojë shpenzimet me realizimin e objektivave dhe do të ndërhyjë në zgjidhjen e mangësive që mund të evidencohen. Nëpunësja zbatuese duhet të ndjekë hap pas hapi realizimin e tyre dhe t'i reflektojë ato në pasqyrat periodike të parashikuara me ligj, duke respektuar afatet kohore dhe titullari, në rolin e nëpunësit autorizues duhet të ushtrojë kompetencat e tij, në zbatim të ligjit nr. 10296, datë 08.07.2010, “Për menaxhimin financiar dhe kontrollin”, i ndryshuar.

Nevojat institucionale shtrojnë nevojën e prokurimeve me blerje të vogël dhe komisioni i ngritur për këtë qëllim, të zbatojë rigorozisht të gjitha procedurat ligjore për të siguruar transparencën maksimale. Njëkohësisht, promovimi i bashkëjetesës fetare në nivel ndërkombëtar dhe vijueshmëria e rrjetit bashkëpunues mes homologësh, si pjesë të detyrave ligjore, të shprehura në VKM nr. 459, datë 23.09.1999, “Për krijimin e Komitetit Shtetëror për Kultet, pika 2, paragrafi 8, parashtrijë nevojën e parashikimit të udhëtimeve jashtë vendit (tabela bashkëngjitur).

SHPENZIMET E MIRATUARA PËR VITIN 2023

SIPAS LIGJIT nr. 84/2022

EMËRTIMI I PROGRAMIT	TOTALI I SHPENZIMEVE KORRENTE (MIJË LEKË)		TOTALI I SHPENZIMEVE KAPITALE (MIJË LEKË)	TOTALI I SHPENZIMEVE BUXHETORE (MIJË LEKË)
	PERSONELI	TË TJERA		
	12,925	122,245		
MBËSHTETJE PËR KULTET FETARE	135,170		4,000	139,170

PARASHIKIMI BUXHETOR SIPAS ZËRAVE EKONOMIKË PËR VITIN 2023

Kapitul I	Artikull	Emërtimi	Plani vjetor
01	6009999	Shpenzime personeli	12,925,000
01	6029999	Shpenzime të tjera (602, 604, 606,)	122,245,000
01	2310000	Shpenzime kapitale	4,000,000
		TOTALI	139,170,000
Kapitul I	Artikull	Emërtimi	Plani vjetor
01	600	Paga Totali	11,072,000
	6001001	Pagat bazë	1,512,000
	6001002	Raporte mjekësore	
	6001003	Shtesë vjetërsie	702,000
	6001004	Shtesë vështirësie	

	6001005	Shtesë funksioni	8,858,000
	6001008	Shtesë page për kualifikim	
	6001013	Shtesë page për punë jashtë orari	
	6001099	Shtesë page të tjera	
	600902	Pagë me kontratë	
	600903	Fondi i veçantë	
01	601	Kontrib.sig.shoq.shënd. Totali	<u>1,853,000</u>
01	602	Mallra e shërb. tjera. Totali	<u>9,245,000</u>
01	6020	<u>Materiale zyre dhe të përgjithshme</u>	<u>480,000</u>
	6020100	Kancelari	120,000
	6020200	Materiale për pastrim dhe shërbime	120,000
	6020300	Materiale për funk. e pajisje të zyrës	120,000
	6020900	Furnizime dhe materiale të tjera zyre dhe të përgjithshme	120,000
01	6021	Materiale dhe shërbime speciale	<u>120,000</u>
	6021099	Të tjera materiale dhe shërbime speciale	120,000
01	6022	<u>Shërbime nga të tretë</u>	<u>2,220,000</u>
	6022001	Energji	490,000
	6022002	Ujë	220,000
	6022003	Telefon	210,000
	6022004	Posta	50,000
	6022007	Shërbime bankare	10,000
	6022010	Shërbime print publikim	120,000
	6022011	Kosto e trajnimit dhe seminareve	420,000
	6022099	Shërbime të tjera	700,000
01	6023	<u>Shpenzime transporti</u>	<u>1,890,000</u>
	6023100	Karburant dhe vaj	1,200,000
	6023200	Pjesë këmbimi, goma dhe bateri	450,000
	6023300	Kosto e sigur.mjeteve transp.	120,000
	6023900	Shpenz.të tjera transp.	120,000
01	6024	<u>Shpenzime udhëtimi</u>	<u>3,455,000</u>
	6024	Udhëtim i brend.jasht.	3,455,000
01	6025	<u>Mirëmbajtje të zakonshme</u>	<u>600,000</u>
	6025300	Shpen.mirëmb.objek.ndërtim	120,000
	6025400	Shpen.mirëmb.hidraulike elektrike	120,000
	6025500	Mirëmbajtje Kondicioner etj	120,000
	6025600	Shpenzime për mirëmbajtje mjete transporti	120,000
	6025800	Mirëmbajtje pajisje zyre (fax, etj)	120,000
1	602.6	Shpenzime për qeramarrje	<u>120,000</u>

	602.6100	Shpenzime për qeramarrje ambientesh	120,000
01	6029	Shpenzime të tjera operative	<u>360,000</u>
	6029001	Shpenz.pritje përcjellje	120,000
	6029003	Shpenz gjyqësore	120,000
	6029008	Shpenz.për tatime dhe tax të pag nga institucioni	120,000
01	604	Të tjera Transferta Korrente të brendshme	<u>113,000,000</u>
	6044099	Të tjera transferta për institucionet jo-fitimprurëse (bashkësive fetare)	113,000,000
	TOTALI SHPENZIMEVE		122,245,000

PARASHIKIMI I INVESTIMEVE PER VITIN 2023

Kapitul I	Artikull	Emërtimi	Plani vjeter
01	2310000	Rikonstrukcion	<u>4,000,000</u>
		TOTALI 231	<u>4,000,000</u>

REGJISTRI I PROKURIMEVE PUBLIKE

TË PARASHIKUARA PËR VITIN 2023

Nr.	Objekti i Prokurimit	Tipi i kontratës	Lloji i regjistrit të prokurimit	Fondi i përlogaritur	Burimi i Financimit	Koha e planifikuar për zhvillimin e procedurës
1	Mbushje e fikseve të zjarrit	Shërbime	Blerje nën vlerën 100 000 Lekë	8,000	Buxheti i shtetit	Dhjetor
2	Blerje kancelarie	Mallra	Blerje nën vlerën 100 000 Lekë	100,000	Buxheti i shtetit	Dhjetor
3	Shërbime larje mjet transporti	Shërbime	Blerje nën vlerën 100 000 Lekë	75,000	Buxheti i shtetit	Dhjetor

4	Blerje tonerash për printer dhe fotokopje	Mallra	Blerje nën vlerën 100 000 Lekë	100,000	Buxheti i shtetit	Dhjetor
5	Shërbime printimi	Shërbime	Blerje nën vlerën 100 000 Lekë	100,000	Buxheti i shtetit	Dhjetor
6	Shërbime mirëmbajtjeje (periodike) te automjetit	Shërbime	Blerje nën vlerën 100 000 Lekë	100,000	Buxheti i shtetit	Dhjetor
7	Mirëmbajtje të kondicionerëve etj.	Shërbime	Blerje nën vlerën 100 000 Lekë	100,000	Buxheti i shtetit	Dhjetor
8	Shërbime mirëmbajtje pajisje zyre	Shërbime	Blerje nën vlerën 100 000 Lekë	100,000	Buxheti i shtetit	Dhjetor
9	Shërbime restoranti për pritje delegacioni	Shërbime	Blerje nën vlerën 100 000 Lekë	100,000	Buxheti i shtetit	Dhjetor
10	Riparim dhe mirëmbajtje i automjetit te institucionit.	Shërbime	Procedurë Prokurimi	375,000	Buxheti i shtetit	Dhjetor
11	Materiale pastrimi	Mallra	Blerje nën vlerën 100 000 Lekë	100,000	Buxheti i shtetit	Dhjetor
12	Shërbime mirëmbajtje hidraulike, elektrike	Shërbime	Blerje nën vlerën 100 000 Lekë	100,000	Buxheti i shtetit	Dhjetor
13	Shërbime pastrimi për zyrat e KSHK	Shërbime	Procedurë Prokurimi	208,333	Buxheti i shtetit	Dhjetor
14	Mirëmbajtje ndërtese	Shërbime	Blerje nën vlerën 100 000 Lekë	100,000	Buxheti i shtetit	Dhjetor
15	Sigurimi i mjetit të transportit	Shërbime	Blerje nën vlerën 100 000 Lekë	100,000	Buxheti i shtetit	Dhjetor
16	Dezinfektim i zyrave	Shërbime	Blerje nën vlerën 100 000 Lekë	93,333	Buxheti i shtetit	Dhjetor
17	Blerje materiale zyre dhe të përgjithshme	Mallra	Blerje nën vlerën 100 000 Lekë	100,000	Buxheti i shtetit	Dhjetor
18	Shërbime karrotreci	Shërbime	Blerje nën vlerën 100 000 Lekë	25,000	Buxheti i shtetit	Dhjetor
19	Blerje karburanti	Mallra	Procedurë Prokurimi	1,000,000	Buxheti i shtetit	Dhjetor
20	Bileta të transportit ajror ndërkombetar	Shërbime	Procedurë Prokurimi	800,000	Buxheti i shtetit	Dhjetor

21	Rikonstruksion i zyrave	Pune	Procedurë Prokurimi	3,333,333	Buxheti i shtetit	Qershor
----	-------------------------	------	---------------------	-----------	-------------------	---------

PLANIFIKIMI I UDHËTIMEVE JASHTË VENDIT PËR KSHK

PËR VITIN 2023

NR	VENDI PËR KU UDHËTOHET	QËLLIMI	PERIUDHA	NR I PUNONJËSVE	NR I DITËVE	BUXHETI I PARASHIKUAR
1	Maqedoni	Vazhdimësia e shkëmbimit të përvojave dhe organizimi i aktivitete të përbashkëta	Mars	2+1	3	1200€
2	Serbi	Vazhdimësia e shkëmbimit të përvojave dhe organizimi i aktivitete të përbashkëta	Maj	2	3	1600€
3	Mali i Zi	Njohje dhe shkëmbim eksperience për krijimin e bazave të një netuorku mes homologësh	Shtator	3+1	3	1000€
4	Kroaci	Njohje dhe shkëmbim eksperience për krijimin e bazave të një netuorku mes homologësh	Tetor	3	3	2005€
5	Bosnje-Hercegovina	Njohje dhe shkëmbim eksperience për	Prill	3	3	1655€

		krijimin e bazave të një netuorku mes homologësh				
6	USA	Takime pune me Gjyshatën në SHBA, si dhe me klerin e diasporës.	Korrik/ Gusht	2	7	2420€ 3300 USD
7	Francë	Pjesëmarrje në aktivitete me BF dhe takim me klerin e diasporës	Maj – Qershor	2	3	2160€
8	Austri	Pjesëmarrje në takimet e përvitshme të ODHIR, HDIM)	Gusht	2	3	1310€